




ISTITUTO
CAMILLO
BELLIEINI

24 de
làmpadas

Festa
de
Santu Giuanne

SUBRA COMINALE
ISPORTELLU
SPORTELLO LINGUÍSTICU
LINGUISTICO





Su 24 de làmpadas, die de nàschida de su Santu, ruet in sas dies de su “solstizio” cando cunforma a sas credèntzias antigas su sole si cojuat cun sa luna, dende vida a energias bonas chi si mustrant in sa terra e in carchi elementu sou comente s’abba, sas prantas, sos animales e puru s’òmine. Su pèsperu de Santu Giuanne marcat su comintzu de s’istiu, est una die nòdida adata a collire sas ervas impitadas pro sanare, pro fàghere ritos cun s’abba (s’abba de Santu Giuanne), breves pro òmines e animales e calicunu la cunsiderat una die giusta pro proare a ischire carchi cosa de su tempus chi devet bènnere.

In Mara ammentant chi in cussa die si poniat a modde in s’alcool sa còrgia frisca de sa nughe pro fàghere su licore de nughe, si podiat comintzare a collire sa gioghita ca in antis non fiat bona e gasi sighende; una die profetosa duncas pro collire sos frutos de sa terra, ma puru pro afortiare sos ligàmenes tra sas personnes. Su 23 in sas carrelas si faghiant fogulones cun istuja e còrgia de fae sica e cando su fogu minimaiat duos amigos o amigas o duos innamorados si leariant a manu tenta pro lu brincare a rughe. Brincare su fogu umpare cheriat nàrrere a diventare **comares e compares de Santu Giuanne**, unu ligàmene prus forte puru de s’ozu santu, una promissa chi nisciunu podiat isòrvere. Como nisciunu in Mara pràtigat custa costumàñ- tzia antiga chi printzipiat a s’antigòriu, a metade tra cristianèsimu e cultos paganos chi galu bi sunt in sa cultura nostra.